

Universitätsbibliothek Paderborn

Cvrsvs Theologici ...

Ea Brevitate Conscriptus, Qvam Tot Tantarvmqve Rervm Amplitudo Et
Varietas Patitvr ...

Quas Secunda Secundæ Et Tertia Pars Divi Thomæ Complectitvr -
Qvæstiones Insper Ad Mores, & praxim spectantes, maximè circa
Sacramenta, accuratè declarantur

Carleton, Thomas Compton

Leodii, 1664

Sect. III. Objectiones contendentes Spem non esse virtutem Theologicam.

urn:nbn:de:hbz:466:1-13826

SECTIO TERTIA.

Objectiones contendentes Spem non esse
virtutem Theologicam.

I. Objicis primò: Ergo religio est virtus Theologica cùm feratur in cultum Dei, & hoc modo etiam in Deum. Negatur tamen consequentia; ad probationem dicendum ex Sancto Thoma 1. parte, quæst. 81. art. 5. corp. & ad sequitur religionem esse.

Ex eo quod Spes sit vir-
tus Theolo-
gica, non
sequitur re-
ligionem esse.

primum, discrimen esse in modo, quo in duobus illis actibus includit Deus, in objecto quippe religionis, qua est cultus Dei, non includitur Deus ut objectum, neque ut pars constituens, aut complens objectum religionis, sed ut finis, ad quem cultus & honor, qui est completum objectum religionis, ordinatur, ut constat ex Vasquez lib. de Ador. Asorio lib. 9. cap. 1. quæst. 3. Suarez Tom. 1. de Religione, lib. 3. c. 3. & aliis. At verò in objecto Spei, quod est visio, includitur Deus ut complens & constituens objectum integrum, simul cum visione, ut in superioribus ostensum est.

II. Differentia inter religio- nem, obedi- entiam, iustitiam erga Deum, pœnitentia, & similes non sunt virtutes Theologicae, sed morales, sunt verò Fides, Spes, & Charitas, quia scilicet religio & alia solum respiciunt Deum quasi indirectè, & ut finem cui, religio intendendo bonum cultus ratione ipsius excellentia, Obedientia bonum subjectionis legislatori, Iustitia divinum jus illæsum, Pœnitentia compensat injuriam factam Deo. Etsi enim negari nequeat, istas virtutes Deum respicere, non tamen illum respiciunt directè, sed aliquid creatum ad Deum pertinens, ut rectè advertit Suarez Tomo quarto de Pœnitentiâ, d. 2. Sect. 2. conclusione 1. & d. 7. sect. 1. num. 12. & Tom. 1. de Religione lib. 3. cap. 3. ubi ex professo explicat quid attinet ad Religionem: at verò tres virtutes Theologicae formaliter ac directè, atque ut objectum quod Deum ipsum attingunt, in quo consistit ratio virtutis Theologicae.

III. Vrgetur dif- ficultas su- pra posita ex discepantia inter La- triam & Duliam. Dices: Latria distingui solet à dulia per hoc, quod Latria respiciat excellentiam divinam, Dulia verò excellentiam creatam, adoratio enim id sibi proprium vendicat, ut feratur in excellentiam personæ, cui defertur obsequium, ita ut proprie una persona non possit adorari propter excellentiam alterius, sed solum propter suam: in quo est differentia inter Religionem ex una parte, quæ habet duos habitus ad colendum Deum & Santos, & Charitatem ex aliâ, quæ eadem cùm sit, amare potest Deum & proximum, intendendo illi bona propter Deum, ergo religio attingit excellentiam divinam tanquam ultimum specificativum, ergo non minus erit virtus Theologica quam Spes.

IV. Diverso lon- gevitate Spes modo ferri in Deum, ac fertur Spes, illa si- quidem ita respicit Dei excellentiam, ut solum Deum attingat tanquam cui exhibet cultum, & non tanquam objectum specificans, ita ut propter bonitatem excellentia personæ cultus ei deferatur, & ut illa excellentia integret objectum, sed solum respicit bonum cultus tanquam objectum. Sicut enim de Spe dicebamus, non obstante quin Theologica sit, quod respiciat aliquid creatum ut finem cui, quia ratio quam formaliter

& directè attingit, est aliquid increatum, ita in presenti, quia religio solum respicit divinam excellentiam tanquam cui exhibet cultum, intendendo bonum cultus, non erit virtus Theologica, ad quam nimis non sufficit Deum ut finem cui & indirectè attingere: ut constat ex dictis.

Quæres utrum virtus Theologica in omni actu suo attingat Deum directè. Respondeo in Charitate, licet feratur ad aliqua creata, semper tamen rationem formalem esse Deum, propter quem intendit & amat quidquid amat. Spes si- gnat Deum milititer etiam pluta bona nobis creata desideret ac speret, semper tamen ipsi sperat per ordinem ad beatitudinem nostram, atque adeo in omni actu Spei beatitudine nostra respicitur tanquam ratio formalis, sive objectiva sive motiva, unde ista duæ virtutes in omni actu suo sunt Theologicae, quia in omni actu aliquid increatum est ratio formalis finalizans.

Quo ad fidem non videtur hoc tam clarum, quia licet omnia quæ cognoscit, cognoscat sub divina revelatione, non tamen videtur ea cognoscere sub ratione primæ veritatis, ita ut omni actu cognoscatur prima veritas, sed plures veritates creatae cognoscuntur, quia sunt à Deo revelatae, quod non videtur sufficere ut tales actus dicantur Theologici. Quod in illorum sententia maximè verum habet, qui dicunt fidem in variis actibus esse discursivam. In nostrâ tamen sententiâ, qui supra Disp. 12. negavimus fidem esse discursivam, dicendum omnem actum Fidei esse Theologicum; in omni enim actu non solum assentimur veritati creatæ, sed etiam increatae. Offendit ut rationi credendi aliâ. Licet etiam in omni actu Fidei non cognoscantur veritates, quæ ad Deum pertinent, sed plures aliae, in actu tamen Fidei cognoscimus Deum ut veracem & dicentem aliquid, & propter hoc credimus quidquid creditur; atque adeo omnis actus Fidei fertur in primam veritatem, saltem sub ratione veritatis in dicendo, tanquam in rationem formalem sub quâ alia credit, quod sufficit ad rationem actus Theologici.

Unde si daretur virtus aliqua in voluntate infusa, quæ bona creatâ formaliter propter ipsa nobis à Deo speraret, hanc credo non futuram Spem Theologicam, etiamsi Deum respiceret ut principium à quo, respectus enim ad Deum præcisè ut ad causam efficientem, ad hoc non sufficit, quia in ratione finalizandi debet invenire deitatem, quam attingat, alioquin non erit actus Theologicus sicut jam diximus de religione; non enim qualiscumque respectus ad Deum sufficit ut virtus dicatur Theologica, uti jam est ostensum.

Secunda objectio est, quæ Sectione præcedente proponebatur contra argumentum S. Tho- mas: ad cuius primam impugnationem negatur male adduci antecedens ad inferendum confe- quens, & ad priorem partem dicendum, ex illâ solum inferri consequens intellectum esse de objecto formalis: neque contra hoc habet vim oportet, ut illam quod objicitur, Deum scilicet ut con- ferentem auxilia habere rationem mediæ, quia non est præcisè medium respectu Spei, ut supra ostendimus est, sed habet se ut objectum. Ad illud de medicinâ ejusque probationem quoad posteriore rem partem dico, ex illâ inferri consequens intellectum de objecto quod, nam fruitio Dei & Deus quavis sint duæ res distinctæ, possunt nihilominus

An Spes sit distincta ab aliis virtutibus. Sect. IV. 169

nihilominus constitueri unum integrum objectum Spei, ut iam est sapienter declaratum.

IX.
Ratio cur
Theologia
non sit vir-
tus Theolo-
gica.

Ad secundam impugnationem negatur sequela, ad probationem respondetur. Theologiam neque nisi formaliter & immediatè divinae revelationi, sed mediari & virtualiter, scilicet medio cursu ex propositionibus revelatis, neque habere immediatè Deum pro objecto materiali, sed mediari tantum, nempe mediis propositionibus de Fide.

SECTIO QUARTA.

*An Spes à ceteris virtutibus distin-
guatur, & quem locum inter
ipsas obtineat?*

I.
Spem cum
Fide, quam
voeant ju-
stificanem,
imo & cum
Charitate
identificant
hæretici.

HÆRETICI hujus temporis, ut resert Bellarminus de Justificatione cap. 4. omnia confundentes docent Spem non distinguere à Fide justificante, ut ipsi loquuntur, seu, quod eodem recidit, à fiducia, qua, inquit, certi sumus de divinâ misericordia condonante nobis peccata per Christum, quam quia sufficere putant ex parte nostrâ ad obtinendam à Deo Justitiam, & remissionem peccatorum, justificantem vocant, imo & dilectionem ipsam ac Charitatem cum Fide identificant, & hac ratione explicant illud Lucæ 7. *Remittuntur ei peccata multa, quia dilexit*, id est, inquit ipsi, credidit.

II.
Certum est
Spem distin-
guiri realiter
à virtutibus
moralibus
infusis.

Prima conclusio: Spes realiter distinguitur à virtutibus moralibus infusis: haec est indubitate, & magis constabit infra. Probatur, Spes siquidem distinguitur à Charitate, & manere potest illa destruenda in peccatore, ergo & sine virtutibus infusis, quæ percuti juxta omnes pereunte Charitate, ergo distinguitur ab illis, cum, illis realiter destruenda, haec etiamnum perseveret.

III.
Spes realiter
eiā distin-
guitur à Fi-
de & Cha-
ritate.

Secunda conclusio: Etiam realiter distinguitur à Fide & Charitate; haec, si intelligatur quoad actus, est certa de Fide contra hæreticos, quorum tamen non est praesens instituti errores omnes impugnare, sed solum identitatem, quam constituent inter Spem & alias duas virtutes Theologicas. Probatur primo ex illo 2. ad Corinthios 13. vers. 13. *Nunc autem manent Fides, Spes, Charitas, tria haec, major autem horum est Charitas:* ex quo loco Apostoli tria desumi possunt argumenta, primum ex illis verbis, tria haec, ad rationem quippe numeri, prorsus cum tali designatione necessaria est distinctio realis, non enim dici potest Apostolum enumerasse hoc loco rationes formales. Secundum argumentum sumitur ex verbis *nunc manent*, quia per ea denotatur *nunc*, seu in hoc statu peregrinationis manere omnes has tres virtutes, non vero in patria, & quia subiungitur, major autem horum est Charitas, significatur eam manere in beatitudine; nam ut notavit Sanctus Chrysostomus, dicendum est significari Charitatem esse majorem in eo, in quo aliae duas virtutes sunt inferiores, nempe quia cum illa transeant, ipsa permanet. Tertium argumentum sumitur ex verbo *major*, idem namque ad seipsum, ut majus ad minus non comparatur.

IV.
Ex doctrina
Concilii Tri-
dentini pro-
batur Spem

Secundum probatur conclusio ex Concilio Tridentino fesi 6. de Justificatione cap. 7. ubi sic habetur: *In ipsa Iustificatione cum remissione pecca- torum haec omnia simul infusa accipit homo per Fide-*
P. R. Comptoni Theol. Scholast. Tom. II.

SVM CHRISTVM enī insiritur, Eadem, Spem, à Fide, & Charitatem: cū enim omnia simul infundi charitate. non dicatur de eadem re, etiam plures habeat rationes formales, significari videtur has tres virtutes distinguere inter se realiter. Quod etiam confirmatur ex verbis sequentibus: *Nam Fides, nisi ad eam Spes accedit & Charitas, &c.* idem siquidem non dicitur accedere ad Fide. Hoc etiam docent Patres communiter, S. Augustinus in Enchirid. cap. 8. S. Gregorius lib. I. Moralium, cap. 28. ubi comparat has tres virtutes tribus filiabus Job: eadem quoque doctrina passim in aliis Patribus reperitur.

Si vero conclusio intelligatur quoad habitus, non est tam certa, sed eo solum gradu, quo est idem dicendum certum dari habitus infusos harum virtutum, quod mihi videtur salem esse proximum Fidei propter testimonium citatum ex Tridentino, quod latius expendimus in superioribus.

Fundamenta hereticorum examinari solent in materia de Justificatione, & circa illa videri possunt Sotus lib. 2. de naturâ & gratiâ, cap. 7. conclusione 2. Bellarminus supra, Roffensis contra primum articulum Lutheri, Castro, adversus hereticos verbo Fides, & verbo Fiducia, Hosius lib. I. de hereticis, prope medium, Valentia quest. 1. de Fido, p. 1. & hic, p. 2. apud quos latè refutantur.

Tertia conclusio: Licet Spes perfectior sit virtutibus moralibus, est tamen imperfectior Spes est imperfector Fide, tum Charitate. Prima pars est certa quoad virtutes morales, cū Spes sit virtus Theologica, habens pro objecto non aliquid creatum sicut illæ, sed Deum ipsum.

Secunda pars, quoad Charitatem, quod est perfectior Spes non minus videtur certa, tum ex illo prima ad Corinthios 13. Major autem horum est Charitas, tam quia Charitas perfectior modo nos conjungit Deo, scilicet perfectissimo amore amicitia, fine intuitu proprii commodi, quod tamen non habet Spes. Tertia vero pars, nempe quoad Fidei probata est supra, Disputatione 25.

Quarta conclusio: Quamvis non repugnet IX. unum ex his habitibus infundi sine alio: si tamen in horum consentaneè ad suam naturam, & juxta statum habituum perfectum infunderentur, nullus est inter illos infusione nullus plenumque ordo servatur, prior pars patet ex dictis in materia de Fide, ubi diximus, si catchumenus elicet actum Fidei, & baptizetur sine debito dolore peccatorum, probabilius esse infundandam ei Fidem sine Spes & Charitate, & si elicet actum Spes, Spem etiam infundandam, deo interdil quia ad talem infusionem sufficienter disponitum infunditur per actus, quos tunc elicet, non tamen disponitum sufficienter ad Charitatem. Hi tamen habitus erunt informes, & non in statu perfecto, quia non informantur Charitate.

Secunda pars per se patet, quia isti habitus non sunt in statu perfecto & consentaneè ad suam naturam, nisi quando sunt cum gratiâ habituali, dicta nō sunt que postulat illorum infusionem. Tertia denique pars probatur, destruenda siquidem Fide, vel felio fine Spe, perit Charitas, licet hac pereunte illa remaneant; item pereunte Fide perit Spes, quia Fides est quæ proponit objectum Spes & Charitati, et quæ veluti primum fundamentum adifici deo & Spe, spiritualis: unde statim ac quis labitur in haretis, perit Charitas, tamen non spem amittit, licet nullum habeat actum & contra.